

S.O.S. ZEBRA!

Mobilité sostenible y segura.



Na scumenciadiva dla PROVINZIA DE BULSAN n cunlaurazion cun la PROVINZIA DE TRËNT

AUTONOME PROVINZ BOZEN - SÜDTIROL
Abt. 12 Straßendienst und Abt. 38 Mobilität



PROVINCIA AUTONOMA DI BOLZANO - ALTO ADIGE
Rip. 12 Servizio Strade e Rip. 38 Mobilità

PROVINCIA AUTONOMA DE BULSAN - SÜDTIROL
Rep. 12 Servisc stredes y Rep. 38 Mubiltà



PROVINCIA AUTONOMA DI TRENTO
Dipartimento Infrastrutture e Mobilità





STRISCES PEDUNELES?

Në us duc savon cie che les uel
dí y coche on da nes cumpurté.
Sons'a seures?

Strisces peduneles ie n aiut mpurtant dantaldu
per la populazion plu dëibla: mutons, mutans y
la jënt de tēmp. Tënions'á for cont dla strisces
canche avison? Chësta brosciura che ie unida a
se l dé tres na culaburazion danter la Provinzia
de Bulsan cun la Provinzia de Trënt che cëla de
cunlië la mobilità sustenibla cun la segurëza.
Tulëve dl'aurela de liejer chësc foliet y de
mëter n droa i cunsëies!

Bon viac Ve mbincia


Florian Mussner
Assessëur


Mauro Gilmozzi
Assessëur

Cun l sustëni de:



La brosciura per ladin possen descïarië sota
www.provinz.bz.it/strassendienst

PARORES DANFORA 3




PORDËRT ÈL DËR SAURÍ



Les strisciores pedonales ti öga a chi che vá a pe por passé ia la strada a na manira sigüda y zënza impedimënc. Por oje l'atenziun de che che vá cun l'auto sön les strisciores pedonales, vëgnel metü, dlungia les strisciores pedonales ia por funz, da tramesdöes les perts olache an passa ia la strada, tofles cun scrit lassura "Atenziun attraversamënt pedonal". Chëstes tofles ne ciafon nia olache al é n semafer.

Les strisciores blances sön les strades provinziales é altamo 3 metri lunges ti zëntri abitá, y altamo 4 metri lunges ti zëntri extraurbans. Sön les strades statales deperpo éres altamo 4 o 5 metri lunges.

Sce che che vá a pe ó passé ia la strada sön les strisciores pedonales ciarel naota a man ciampa y a man dërta, y impormó canche i auti che vëgn da tramesdöes les perts stá chic, passel ia la strada.



I dërc y i dovëis che reverda les strisciores pedonales vëgn regolamentá dal Codesc dla Strada.

Sides chi che vá a pe che chi che vá cun l'auto, cun le motor y cun la roda mëss se tigní a chëstes regoles, y sce ai ne le fej nia vëgni strafá y al ti vëgn tut demez punc dla patent.

Mo chësc é bëgn ma la mëndra sce an tëgn cunt che ca. le 18% di inzidënc mortai á da fá cun che che vá a pe sön les strisciores pedonales. La gauja é sovënz liada al nia sté chit y al telefoné tratan che an vá cun l'auto. De plü informaziuns é da ciafé sön les proscimes plates.



REGOLES POR CHI CHE VÁ CUN L'AUTO

De chi che vá cun l'auto nen él deplü sön les strades y porchël mëssi mëte ciamó plü averda a chi che vá a pe.



	A che che vá a pe, che mostra da orëi passé ia na strada, mësson dagnora ti dé la prezedënza .	162 € 8-16 punc
	Sce al ne n'é degönes strisciores pedonales mëss che che vá cun l'auto aspeté cina che che che vá a pe á passé ia la strada a na moda sigüda .	162 € 4-8 punc
	A n auto che stá chit dan les strisciores pedonales por lascé passé ia zacai che vá a pe, ne pón nia ti jí dant .	162 € 10-20 punc
	Sön les strisciores pedonales ne pón nia sté chic o parché . Al é ince proibí da sté chic sön les strisciores pedonales sce al é na coda d'auti.	40 € - 84 € remozium
	Sce porsones che se fej ert da jí passa ia la strada, mësson dagnora sté chic daldöt.	162 € 8-16 punc
	Situaziuns de prigo gaujades da n comportamënt falé de jënt atempada o mituns, mëss gní odüdes adora assá y tignides fora.	162 € 8-16 punc

Por passé ia la strada mësson dagnora jí sön les strisciores pedonales, sce chëstes ne n'é nia plü dalunc co **100 m** dal punt de attraversamënt. € 25

Incrujades y plazes ne pó nia gní passades ia diagonalmënter, mo roduntaia. € 25

Sce al é n tru da jí a pe, mësson jí sön chël. Sce al n'un n'é degun, mësson jí a man ciampa dla strada, tla direziun contrara da chëra che al vëgn i auti. € 25

Sön les strades da öna na direziun zënza n tru da jí a pe, mësson dagnora jí a man dërta tla direziun di auti. € 25

Canche al é scür y sön les trasses extraurbanes mësson jí un do l'ater sön ur de strada. € 25

Al é proibí da passé ia la strada dan n autobus chit. € 25



REGOLES POR CHI CHE VÁ A PE

Che che vá a pe ne n'á nia sciöche che che vá cun l'auto, la poscibilité da podëi smorzé la colijiun. Porchël é l ciamó plü important da se tigní al codesc dla strada.



Sön les strisciores pedonales mësson sburlé la roda.



REGOLES POR CHI CHE VA CUN LA RODA

Chi che vá cun la roda ne la tol nia tan avisa cun les regoles sön strada. Mo metede averda: al podess ester prigorus y gní a costé cer.



Chi che vá cun la roda mëss se la sburlé da passé ia la strada sön les strisciores pedonales.



	Sc'an é cun la roda él da gní jö de roda y se la sburlé da passé ia la strada sön les strisciores pedonales.	€ 25
	Sön le marciapisc ne pón nia jí cun la roda, mo an mëss se la sburlé.	€ 25
	An ne pó nia jí cun la roda zënza mans, öna na man dess dagnora ester sön la stangia da rovëne.	€ 25
	An ne dess nia telefoné cun le fonin tratan ch'an vá cun la roda.	€ 161
	Sön la roda dessel dagnora ma ester öna na porsona. Porsones de majera eté pó lascé senté n möt iadedô te n sentarel.	€ 25
	Defora dai zëntri de paisc dess chi che vá cun la roda jí un indolater. Mituns cina 10 agn pó jí dlungia na porsona de majera eté.	€ 25



RACOMANAZIUNS

por chi che vá a pe

- [*] Se vistí **guanc lominusc** canche al é scür.
- [*] Se vistí guanc da **strisciores che refletëia o corpec da strisciores che refletëia**, o tó na **patrì** da sèra.
- [*] Tó tasces cun **strisciores che refletëia**.
- [*] Mai passé ia **fora de nia** les strisciores pedonales.
- [*] Mostré avisa che **an ó** passé ia la strada sòn les strisciores pedonales.
- [*] Mète man da passé ia la strada sòn les strisciores pedonales impormó canche al ne n'é plü degun prigo.

por chi che vá cun la roda

- [*] Jí sòn trus da rodes, olache al n'é!
- [*] Al é damí da passé ia incrujades prigoroses sòn les strisciores pedonales, mo la roda mësson se sburlé!
- [*] Se vistí dagnora l'elm!
- [*] Ciaré che les löms dla roda funzionëies!



por chi che vá cun l'auto

- [*] Mète dagnora averda a **chi che vá a pe** y ester dagnora arjigné da arferé.
- [*] Ti dé da intène cun na man a chi che vá a pe che ai pó passé ia la strada, impormó canche an é sigüsc che al ne n'é degügn che se vá dant o vëgn adincontra.
- [*] Ester dagnora arjigné a impreodüdes, **s'architè sce an dubitëia**.
- [*] Mète averda ales strisciores pedonales atira do n rondel.

COPÉ SÖN STRADA

Vigni de él n stlafun de gragn inzidënc sön strada. Le plü sovënz ési la rajun por chëra che al mör y se fej me jënt jona. La lege 41/2016 vëiga danfora de gran strafunghes sce an ne se tëgn nia al Codesc dla strada y al vëgn a se le dé inzidënc che gaujëia la mort o dagns permanënc ales porsones.



MËTEDE AVERDA A CHËSTES NOVITÉS



- [*] De gran strafunghes pó s'aspeté che che vá cun l'auto do avëi boiü o tut ite droghes, vá plü debota co conzedü, passa ia l'incrujada cun le semafer cöce, vá dl vers falé te na strada da öna na direziun, sorpassa canche al é tresfora na linia amez o dan les strisciores pedonales.
- [*] La condana vëgn agravada sce an vá cun l'auto zënza patent, cun la patent scadüda, sce al s'é gnü tut la patent, sce an é zënza proteziun dl'assiguraziun o sce an s'un sciampa.
- [*] Pro inzidënc cun de gragn y dër de gragn dagns ala porsona vëgnel apliché le dërt penal; na strafunga de scioldi sciöche alternativa n'é nia plü poscibla.
- [*] Tl caje de na condana por „Copada sön strada“ pó gnü tut la patent cina 30 agn.



Faturs de prigo por chi che vá a pe y por chi che vá cun la roda

- > Aziuns fora de nia che an ne se aspeta nia
- > Guant scür canche an ne vëiga nia bun
- > Nia jí sön les strisciores pedonales
- > Sté chic sön les strisciores pedonales
- > Fá la belaita sön strada
- > Dejatenziun y destraziun
- > Maladoranza de alcol y droga
- > Pücia segnalaziun tres le lingaz dl corp
- > Suravalutaziun dles capacités de reaziun de chi che vá cun l'auto

FAI CHE AN FEJ SOVËNZ

Faturs de prigo por chi che vá cun l'auto y por chi che vá cun la roda

- > Telefoné tran che an vá cun l'auto, destraziun
- > Jí debota
- > Surapretenjiun te incrujades olache an ne vëiga nia bun
- > Dejosservanza dl dovëi da s'archité
- > Nia tigní cunt di dërc de chi che vá a pe
- > Odëi massa tert chi che vá a pe
- > Dejosservanza dl ciantun mort
- > Zoruché zënza mëte averda
- > Maladoranza de alcol y droga



CI FEJ PA LE SORVISC STRADES?

Les strisciores pedonales é n argomënt dër important por l'Äministraziun provinziuala.

- [*] A na moda che les strisciores pedonales sides saurides da odèi y sigüdes da passé ia, vègneres sprinzades jö cun n corú de marcaziun che refletèia y che ne fej nia slizié.
- [*] Sön les strades olache al passa tröc auti vègnel datrai adoré n material plastich metü adöm da dui componënc.
- [*] Dötes les strisciores pedonales sön les strades provinziuales vègn controlades y fates danü vigni ann. Dan-

tadöt d'invern vègnel danejé les strisciores pedonales, ajache al vègn sternü se, desparé la nëi y metü sö morones.

- [*] N'atenziun particulara ti vègn dada ala realizaziun de strisciores pedonales zënza impedimënc architetonics.
- [*] Ti caje de strades leries y de n majer prigo d'inzidënt, vègn les strisciores pedonales atrezades cun isoles de segurèza y proteziun.

PASSA ...

Vigni de messunse jí „debota“ a lauré, a scora y i.i. Tl Trentin - Südtirol gaujëia le trafich di auti rodunt le 30% dles emisci-uns de CO2. Al foss plü sigü y an sconass deplü l'ambiënt sce an jiss a pe, cun la roda o cun i mesi publics.



AL SOSTENIBLI!

- [*] **Jí a pe sce al n'é nia lunc!**
Jí a pe é saurí, pratch y **debann**. Dantadöt sce an vá ma 2 - 3 km él sovënz cotan damí sce an vá a pe co cun d'atri mesi. Implü dëidele romagne **en forma**.
- [*] **Tó plü gonot la roda!**
Jí cun la roda é sann, **scona l'ambiënt**, costa demanco y vá de moda. Tles ores olache al é le majer trafich éson ince cotan **plü sní** cun la roda co cun l'auto. An se sparagna tröp stres y brüj les calories de n seml da sulza.
- [*] **Por trasses plü lunges adoré i mesi publics!**
Che che vá vigni de a lauré cun le **bus** o **la ferata** davagna tëm্প da lí y se sparagna le stres da messëi rovëne instësc, chirí a fadia n post da parché y paié tasses altes por parché. Ince jí a lauré **adöm cun d'atri pendolars** é n'alternativa che **scona l'ambiënt** y le tacuin.



CONSËIS EN CÖRT

Chi che vá a pe á le dovëi da passé ia la strada sön les strisciores pedonales (sce ares ne n'è nia plü dalunc co 100 m).

Chi che vá cun l'auto á le dovëi da ti dé la precedënza a chi che vá a pe.

Än mëss se sburlé la roda da passé ia la strada sön les strisciores pedonales.

Chi che vá cun l'auto á le dovëi da tigní particolar-
mënter cunt di mituns, dla jënt atempada y dles
porones cun handicap.